

女紅餘志
解醒語



解

醒

語

撰人不詳

中華書局

解醒語

元

誤

泰定間中夜忽召集賢直學士鄧文原倉卒不備
手詔就以帝所佩玉從容召之至曉着二朱衣
送出人以爲榮

京朝官獲美除者寮友設酒于披雲樓以爲賀因
名披雲宴六部得堂署則爭相餽遺謂之烘堂
南臺權重百寮正堂限號斧口限人不得輕越
平章李孟漢中人始家居不欲事仕因事至京師
右丞楊吉薦留輔導仁宗仁宗敬重之嘗與之

對奕便殿賜食雪膚餅徹骨負又冬月賜宴煖閣

國初序朝執政大臣謂之擎天班玉堂清暑謂之煥璧班言官法司謂之劍鐔班外戚謂之椒蘭班親王謂之瓊枝班功臣將帥謂之豹首班其餘朝臣謂之隨班

長春殿燕群臣供事內臣進饌有咳病帝惡其不潔命爲疊金羅半面圍之許露兩眼下垂至胸自是進饌者以爲此例

宮中臨幸以黃金粧肩輿使宮人衣貼繡鋪翠襦

扛之

至元間馬八兒國入貢國近占城二十二年遣使
至其國求奇寶得吉貝衣十襲吉貝樹名其華
成時如鷲毳抽其緒紡之以作布亦染成五色
織爲班布寶花冠十頂冠以金作花七寶裝纓
絡爲飾蝦囉百顆形似珠而成龍紋大者過千
彈丸國有蝦瀨隱沙中常抱珠戲于瀨上土人
俟其去取之繡絲綾百段金顏香千團香乃樹
脂白者爲佳五香七寶床一隻

床可坐不可睡

者
駕耨瓢十枚以之貯食經月不敗菴蘿樹數

十枝花葉似棗實似李味佳大珊瑚百株鱗晴
石百枚又有血竭扁桃浮金餅等物

僧嗣占妙高上言欲毀宋會稽諸陵西僧楊璉真
伽又請乃如所請發陵取寶器以諸帝遺骨建
浮屠于杭之故宮截理宗頂以爲飲器時會稽
有六陵 徽宗 高宗 孝宗 光宗 寧宗

理宗 度宗發掘搜取諸寶器殆盡徽宗陵獲

走花鳥玉筆箱又同涼潑繡管 外國所進高宗

陵真珠戲龍鞍 嶺南劉鋹所結以獻于太祖者

光宗陵交加百齒梳香骨案理宗陵伏虎枕 七

寶合處伏虎之狀穿雲琴金猊貼爲徽龍肝石

爲軫綠玉磬唐楊妃物度宗陵五色藤盤影魚

黃瓊扇柄其餘器物不可盡舉大抵陵中物無
定式惟視平生所玩何如也

世祖獵于灤河一鳥摩于青雲之表世祖以矧下
之形大于鶴羽皆五彩成班有西夷人云此是
盧隆鳥宿于西海荻草中

成宗春暮時命宮人掃落花鋪蘭茗殿施金帳諸
嬪衣碧鸞朱綃半袖衫頭纏吉貝錦臂係秋雲
紫條帕着白氍毹成群相逐滾蘂翻花閨腕飛

蹄戲狎彌日帝曰上燦黃金下設蓐席使美人爲鞠弋流琰之戲

處州陳繹曾爲國子助教口吃一日集諸生曰車

生極

極欲言諸生習業也

中有數人不覺葫蘆絕倒問之

皆官生恩蔭也繹曾不能容解官南還

有臧侍郎者素畏其妻妻怒卽行疏禮俟其怒解

乃起御史中丞祝公有張京兆之風嘗爲妻合

脂與粉調以塗之號桃花面京中好事者爭相

效焉當時語云侍郎膝夫人屈

夫人作細裙

夫人面

中丞鍊

撫州吳澄名重至治泰定間貴族巨賈莫不願得
一文以爲子孫傳寶凡求文先脩贄禮後復以
金帛致謝謂之採珎在翰林數年幾于巨萬張
平章曰吳學士身居玉堂而抱奇貨求文章者
日以千數孰謂文章不可以榮身發家哉一

天曆中一人着紫花草禪束斑竹枝冠蟬翼巾遊
市上或時至寺中聽講連日或吟飲酒肆三宿
而去市上兒至呼以癡漢亦不爲意京中大姓
異之相與承接彌月忘歸人叩其姓名但云浮
生子平時詩句近千鄙俚人所難處反露警拔

蓋文而隱者也凡數年忽遁去

燕帖木兒奢侈無度嘗屠百羊以會寮吏又于第
中起水晶亭亭四壁皆水晶鏤空貯水養五色
魚其中剪綵爲白蘋紅蓼等花置水上壁內置
琥珀欄杆箱以八寶奇石紅白掩映光彩玲瓏
前代無有也洞房設樓床廣褥擇美姬溫軟少
骨者枕籍而睡謂之香肌席脂紅粉白之嬌羅
列左右隨其所取以爲花嬉玉樂也

尚書范谷英賜食帝前食韭芽麪旨之一筋而止
帝曰不中食乎英曰臣豈敢但天厨珍味臣已

領恩矣山妻久厭糟粕將以遺之使知官家有人所不見之物也帝令盡量服之

服作食

復賜

一帖以歸

倒刺沙貽賂通行賣官鬻獄家有金窖寶海以藏

所得金帛珍異時人譏之曰庸才計窮

作板披

靡于勢門

靡作簡

金玉運窮朝宗于寶海

唐駙馬寵于太后所賜厨料甚盛乃開回僊厨以

市厨極馨香使僊人聞之亦當駐也

同作駙

柳貫至正間待制翰林與虞集揭傒斯黃潛齊名

號儒林四傑

黃潛爲文章如澄湖不波一碧萬頃凡朝廷大詔令皆出其手京師人呼爲璽口學士

許謙孫從宗言上方珍異庫有虎頭硯魚肌綫作菱猿臂笛金絲簾鳴玉繫腰等以嘗提點庫故知之悉云

詞客馬文友別墅在彰義門內有春香亭每百花開時置酒亭下會都之文人吟士賞花賦詩謂之錦繡會預是會者各輪一席又有飲山亭夏日避暑于此又有婆婆亭玩月之所並聚詩人作會如春香亭故事因號其墅曰長樂園

進士俞一陽嘗往來高梁河間近凝翠樓有大姓
丁氏女秀穎一陽注目久之女亦顧盼不已陽
心悅之自是常遊焉然彼此間絕終無以致其
情也及除官將歸陽日常怏怏如有所失聞此
女知書乃爲菩薩蠻一詞置于胡桃中用膠塗
合其詞云秦樓僊女新標格嬌姿牽動瓊林客
綠意乍能禁尋魚欲寄音三紅憑一紙百年期
一夕求鸞控紫韁待月下西廂復袖之以致其
處凡四往女適與一女童遊園中一陽從垣外
窺之擲胡桃于身上女會其意碎胡桃觀之亦

書一紙以答云鳳幃深鎖靈芝格知情已有青
雲客風來花不禁遠聞金玉音殷勤謝去紙月
圓在今夕獨步不須韁一心下西廂一陽得之
不勝欣悅夜與親僕數人往伺之女果與女童
負包袱而出一陽遂携之以歸任滿給由至京
女求歸一見父母一陽先達以書然後與女同
歸其父母遂認之爲婿懽若平生焉

國初起圓殿于西宮中以居西僧僧官皆著茜帽
閒閒真人嘗于帝前稱天台山多僊果帝曰可致
乎真人曰可因取金盞蓋覆之少頃有水晶李

十枚鶴珠棗三十枚甘竹實四枚

吳元鄧至元中至京師從張留孫見世祖成宗召見贈玄德真人臨終作詩有一聯云呪斥乾坤輕世界闢開山嶽上天門舉棺如無人乃是尸解也

商人得利者曰遂心不得利者曰犯耗買酒脯襪之極賤行商呼爲貨脚行商亦謂坐賣曰匏漢蓋相譏也

解醒語終